



Pou Piblikasyon Imedya: 29/03/2020

GOUVÈNÈ ANDREW M. CUOMO

GOUVÈNÈ CUOMO, PÒT PAWÒL HEASTIE, SENATÈ BAILEY AK MANM ASANBLE BENEDETTO AP ANONSE NOUVO SIT TÈS COVID-19 MOBIL POU REJYON NÒDÈS BRONX LAN

Gouvènè Andrew M. Cuomo, Pòt Pawòl Asanble a, Carl E. Heastie, Senatè Jamaal T. Bailey ak Manm Asanble Michael Benedetto te anonse jodi a ke yo te sekirize yon nouvo sit tès COVID-19 mobil enpòtan pou Rejyon Nòdès Bronx lan.

"Prensipal estrateji nou pou ralanti pwopagasyon viris sa a se ogmante tès yo ak redwi dansite nan chak kominote nan tout Eta a", **Gouvènè Cuomo te deklare**. "Etablisman tès mobil ki gen plizyè pasaj sou volan yo ke nou te kreye a ap ede kenbe moun yo andeyò lopital yo ak lòt etablisman swen sante yo kote yo ta kapab potansyèlman enfekte lòt moun oswa vini malad, pandan nou ap ogmante kapasite pou fè tès nou. Co-Op City nan Bronx se lakay yon gwo kantite Nouyòkè frajil, epi mete yon nouvo etablisman sou volan nan zòn sa a pral ede pwoteje rezidan sa yo ak ba yo yon kote ki plis an sekirite pou tès pou COVID-19."

"Nou ap fè fas ak yon kriz sante piblik san presedan epi li se yon enperatif pou nou fè tout sa nou kapab pou pwoteje piblik la", **Pòt Pawòl Heastie te deklare**. "Sit tès sa a enpòtan pou sante ak sekirite sila yo ki rezide nan co-op city ansanm ak rezidan yo nan kominote avwazinan yo epi li pral yo gwo avantaj pou Bronx. Anpil granmoun rezide isit la epi yo pami moun ki pi vilnerab pou viris tèrib sa a. Mwen ta renmen remèsyé Gouvènè Cuomo pou efò enfatigag li yo pou ede fè sit tès sa a yon reyalite ansanm ak kòlèg mwen yo, Manm Asanble Benedetto ak Senatè Bailey pou pwomosyon ak travay di yo a pou mete resous sa a sou pye epi ap fonksyone."

Sant tès mobil la pral sitiye nan paking Bay Plaza AMC Theater a nan 2210 Bartow Ave. Sit sa a pral priyorez tès pou moun ki pami popilasyon ki gen pi wo risk la. Rezidan yo ki ta renmen fè tès la dwe fè randevou lè yo rele nan 888-364-3065. Yo pat pèmèt moun vini san randevou epi tout pasyan yo dwe nan yon veyikil. Yo prevwa sant lan pral operasyonèl lendi 30 mas 2020 a 10 am. Orè sit yo pral lendi - dimanch, 8am - 6pm.

Senatè Bailey te deklare, "Mwen kontan pou enfòme kominote a ke Co-op City pral genyen yon sit tès apati lendi. Jan nou tout konnen Co-op City se yon kominote inik, plen moun ki gendwa anba gwo risk pou sentòm ki gen rapò ka COVID-19. Prensipalman, popilasyon sitwayen granmoun Co-Op la, kòm li se pi gwo Kominote Retrèt ki Rive Natirèlman (Naturally Occurring Retirement Community, NORC) nan peyi a epi yon zòn ki peple anpil avèk byen plis pase 50,000 rezidan. Sil ta pral nan Gwo Magazen Nan Bay Plaza (Mall At Bay Plaza) a epi li pral yon sant tès sou volan. Mwen

ta renmen remèsyé Gouvènè Andrew Cuomo, Pòt Pawòl Carl Heastie, Manm Asanble Benedetto ak Prestige Properties dëske yo pèmèt nou itilize espas yo pou yon kesyon piblik ki sitèlman enpòtan konsa".

Manm Asanble Benedetto te deklare, "Nan tan difisil sa yo, Gouvènè Cuomo te montre yon lidèchip ki remakab epi jodi a nou ap wè plis nan lidèchip sa a. Rezidan Rejyon Lès Bronx yo te bezwen yon estasyon tès epi Bay Plaza se yon sit ideyal pou sa. Avèk 50,000 moun ki ap viv jis nan kèk pa nan Co-op City (ki se pi gwo konplèks lojman piblik nan nasyon an), anpil nan yo se sitwayen gramoun, pozisyon an jenyal. Mèsi Gouvènè epi mèsi Pòt Pawòl Heastie ak Senatè Bailey ki te travay sitèlman di pou fè sa rive".

Sit sa a ektrèmeman enpòtan akòz nati inik ak dansite popilasyon Co-Op City ak zòn anviwonan Rejyon Nòdès Bronx yo.

Co-op city se pi gwo devlopman koperatif ki inik nan monn lan epi li se lakay plizyè milye fanmi ki gen ladan anpil gramoun ansanm ak yon kantite moun ki iminodeprime. Pandan kèk semèn pase, yo te dekouvri ke popilasyon sa yo plis siseptib pou genyen viris COVID-19 la.

###

Lòt nouvèl disponib sou sitwèb www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)